

# 齐桓下拜受胙

僖公九年

## 左 传

会于葵丘。寻盟、且修好、

去声、

礼也。

修睦以尊周室，故以为礼。

王使宰孔赐齐侯胙。

宰、官。孔、名。胙、祭肉。异姓诸

侯、非夏商之后，不赐胙。襄王使宰孔赐齐桓胙，盖尊之比于二王也。

曰：天子有事于文武，使孔赐伯舅胙。

有事于文武，谓有祭祀之事于文武之庙。天子称异姓诸侯、

皆曰伯舅。○本与下以伯舅耄老句连文，只因齐侯欲下拜歇住。王命遂分两番说，错落入妙。

齐侯将下拜。

将下阶拜，受天子之赐。○插入一句、妙。

孔曰：且有后命。

紧接。

天

子使孔曰：以伯舅耄老、加劳、

如字。

赐一级、无下拜。

七十曰耄。劳、功劳也。级、等也。言天子以伯舅年老，且有功劳于王室，故

进一等、不令下阶而拜。

对曰：天威不违颜咫尺。

言君尊如天，其威严常在颜面之前。八寸曰咫。

小白、余敢贪天子之命

无下拜、恐陨越于下、以遗

去声、

天子羞、敢不下拜。

小白、桓公名。陨越、颠坠也。公自称名、言我岂敢贪天子之宠命、不下阶而拜。恐得罪于

天、而颠坠于下、适足以昭天子之辱、敢不下阶而拜乎。

下、

句、

拜。

句、

登、

句、

受。

句、

受。

句、

看他一连写五个下拜、两无下拜、与敢不下拜应。将下拜、与下、拜、登、受、应。